

Safet Suljić

**PRAKTIČAN PRIMJER KAKO SE PIŠE
VASIJJET (OPORUKA)**

VASIJJET ŠERIJATSKA OPORUKA



PRAKTIČAN PRIMJER KAKO SE PIŠE VASIJJET (OPORUKA)

U ime Allaha, Milostivog, Samilosnog

V A S I J J E T

ŠERIJATSKA OPORUKA

Hvala i zahvala Uzvišenom Allahu, dželle šehruhu, Koji sve u mjeri stvori i odredi, Koji mu'mine Pravim putem uputi, a kafirima bolnu kaznu priredi. Neka su salavat i selam na Njegovog odabranog roba i Poslanika, Muhammeda Ibn Abdullaha, sallallahu alejhi ve sellem, na one koji su se prihvatili Njegove upute, koji se drže Sunneta i na sve sljedbenike do Sudnjega Dana.

Uzvišeni Allah kaže:

كُتِبَ عَلَيْكُمْ إِذَا حَضَرَ أَحَدُكُمْ الْمَوْتُ إِنْ تَرَكَ خَيْرًا الْوَصِيَّةَ لِلْأَقْرَبِينَ
بِالْمَعْرُوفِ ۖ حَقًّا عَلَى الْمُتَّقِينَ [٢:١٨٠]

"Kada neko od vas bude na samrti, ako ostavlja imetak, propisuje vam se, kao obaveza za one koji se Allaha boje, da pravedno učini oporuku roditeljima i bližnjima."
(Prijevod značajna sura Al-Bekara, ajet broj 180).

عَنْ ابْنِ عُمَرَ رَضِيَ اللَّهُ عَنْهُمَا أَنَّ رَسُولَ اللَّهِ ق قَالَ: ((مَا حَقُّ امْرِئٍ مُسْلِمٍ لَهُ شَيْءٌ يُرِيدُ أَنْ يُوصِيَ فِيهِ يَبِيتُ لَيْلَتَيْنِ إِلَّا وَوَصِيَّتُهُ مَكْتُوبَةٌ عِنْدَهُ)) . مُتَّفَقٌ عَلَيْهِ .

Prenosi se od Ibn Omera, radijallahu anhuma, da je Allahov Poslanik, sallallahu alejhi ve sellem, rekao: **„Nema pravo čovjek musliman koji ima nešto što želi oporučiti da zanoći dvije noći a da njegova oporuka nije napisana kod njega.“** (Muttefekun alejhi).

Nafi'a, rahmetullahi alejhi, kaže: „Čuo sam Abdullaha Ibn Omera, radijallahu anhu, kako kaže: „Nije prošla niti jedna noć od kada sam čuo Allahovog Poslanika, sallallahu alejhi ve sellem, kada je rekao hadis o oporuci, a da pored sebe nisam imao napisanu oporuku.“ (Prenose imami Buhari i Muslim).

Ibn Madže u svome Sunenu prenose od Muavije Ibn Kurre, a on svoga oca, da je Allahov Poslanik, sallallahu alejhi ve sellem, rekao: „Kome dođe smrt, pa ostavi oporuku i njegova oporuka bude u skladu sa Allahovom Knjigom, to će mu biti iskup za ono što je ispustio od svoga Zekata.“

JA:..... SIN/KĆI: (.....)

**OSTAVLJAM OVAJ VASIJJJET (OPORUKU) U ZDRAVOM
STANJU I PRI PUNOJ PAMETI I SVIJESTI.**

Svjedočim da nema božanstva koje je dostojno da iskreno bude obožavano sem Allaha, Jedinog Koji nema

sudruga i svjedočim da je Muhammed Njegov rob i Poslanik sallallahu alejhi ve sellem, i svjedočim da je Sudnji dan istina, i u njega nema nimalo sumnje, i da će Allah, azze ve dželle, proživjeti ljude iz kaburova.

Oporučujem svojoj porodici koja ostaje iza mene i onima koji pročitaju ovu oporuku da se boje Allaha, azze ve dželle, i da ih ne obmane ovodunjalučki život i njegove prolazne ljepote, da ih šejatan u pogledu Allaha Uzvišenog ne zavede, da slijede Sunnet Allahova Poslanika, sallallahu alejhi ve sellem, kako bi uspjeli na oba svijeta.

Oporučujem vam da popravite međusobne odnose, da se pokoravate Allahu i Njegovom Poslaniku, sallallahu alejhi ve sellem, ukoliko ste vjernici, jer Allah, Azze ve Dželle, kaže:

فَاتَّقُوا اللَّهَ وَأَصْلِحُوا ذَاتَ بَيْنِكُمْ ۖ وَأَطِيعُوا اللَّهَ وَرَسُولَهُ إِن كُنْتُمْ مُؤْمِنِينَ [٨:١]

„Zato se bojte Allaha i izgladite međusobne razmirice, i pokoravajte se Allahu i Njegovu Poslaniku, ako ste pravi vjernici." (Prijevod značenja sura El-Enfal, ajet broj 1).

Oporučujem im ono što su Ibrahim i Jakub, alejhima selam, oporučili svojoj djeci:

وَوَصَّيْ بِهَا إِبْرَاهِيمَ بَنِيهِ وَيَعْقُوبُ يَا بَنِيَّ إِنَّ اللَّهَ اصْطَفَىٰ لَكُمُ الدِّينَ فَلَا تَمُوتُنَّ إِلَّا وَأَنْتُمْ مُسْلِمُونَ [٢:١٣٢]

"Sinovi moji, Sinovi moji, Allah vam je odabrao pravu vjeru, i nipošto ne umirite drugačije nego kao muslimani!" (Prijevod značenja sura Al-Bekare, ajet broj 132).

Oporučujem vam da se bojite Allaha, azze ve dželle, i da budete strpljivi prilikom moje smrti, da govorite samo dobro, da mnogo tražite oprost od Allaha, učite dovu za mene, moleći Ga za milost prema meni, da uđem u Džennet i da se spasim Vatre.

Što više izgovorajte: „LA ILAHE ILLALLAH“ i „Svi smo Allahovi i Njemu ćemo se vratiti, Allahu nagradi nas u našoj nedaći i poslije nje nam daj bolje.“

Ovim praktikujemo riječi Allahovog Poslanika, sallallahu alejhi ve sellem, koji kaže: „Kada dođete do onoga koji je na samrti ili je bolestan govorite dobro, jer meleki govore „Amin!“ na ono što vi govorite.“ (Hadis bilježi imam Ahmed u svome Musnedu).

Oporučujem da na mojoj samrti dođu dobri ljudi i učenjaci, da me podsjetite da lijepo mislim o mome Gospodaru, da se nadam Njegovoj milosti i da mi ponavljaju šehadet: „EŠHEDU EN LA ILAHE ILLALLAH VE EŠHEDU ENNE MUHAMMEDEN ABDUHU VE RESULUHU“, kako bi riječi Tevhida bile posljednje što izgovorim prilikom smrti, te praktikujući riječi Poslanika, sallallahu alejhi ve sellem, koji kaže: „Kome posljednje riječi budu „LA ILAHE ILLALLAH“ ućiće u Džennet.“ (Hadis bilježi imam Ahmed).

Oporučujem vam da mi napravite odgovarajuće okruženje, potpun spokoj i da kod mene na samrti ne sjedi onaj ko me mrzio tokom moga života, jer me njegova mržnja boli i uznemirava.

Oporučujem da kada se utvrdi moja smrt da mi zatvorite oči, okrenete ka Kibli i prekrijete odjećom u kojoj nisam umro (tj. promijenite odjeću u kojoj sam umro).

Prekrit će te čitavo tijelo moje, tj. da izmijenite odjeću u kojoj sam umro, jer Poslanik, sallallahu alejhi ve sellem, kaže: „Mrtvi će biti proživljen u odjeći u kojoj je preselio.“ (Hadis bilježi imam Ebu Davud).

Oporučujem vam da požurite sa mojim opremanjem kada se utvrdi moja smrt. Lijepo bi bilo da obavijestite moju rodbinu, prijatelje i dobre ljude kako bi imali nagradu za učešće u mom opremanju, gasuljenju (kupanju), stavljanju u kefine, klanjanju, ispraćaju dženaze i mome ukopu, kako bi što više muslimana klanjalo dženazu i tražilo oprost za mene, te kako bi se izvršila moja oporuka i isplatili moji dugovi. Uslov je da obavijest o mojoj smrti bude čista od svake buke, plača, naricanja, pretjerane hvale i hvalospjeva, kao što to čine neznalice.

Ne govorite za mene da sam „merhum“ (onaj kome se Allah smilovao), jer ne znam šta će biti, već govorite u vidu „rahmetullahi alejhi“ – Neka mu se Allah smiluje. Obavezno je da objava moje smrti bude u vidu spomena moga imena, imena moga oca i prezimena, te pojašnjenja vremena i mjesta ispraćaja i ukopa.

Spomenut će te samo ono što je nužno, pod uslovom da se to ne suprotstavlja Islamu i njegovim principima. Dozvoljeno je da onome koji donosi obavijest o mojoj smrti traži od ljudi da za mene traže oprosta kod Allaha, jer je Poslanik, sallallahu alejhi ve sellem, govorio ljudima:

„Tražite oprost za svoga brata.“ (Hadis je vjerodostojan).

Oporučujem da se spriječi običaj žena i ljudi neznalica koji podižu glasove naricanjem i jaukanjem, te da se spreče žene da prate moju Dženazu.

Allahu se utječem od toga, shodno hadisu koji bilježe imami Buhari i Muslim od Omera Ibn El-Hattaba, radijallahu anhu, u kome stoji da je Allahov Poslanik, sallallahu alejhi ve sellem, rekao: „Mrtvi u svome kaburu biva kažnjavao zbog naricanja za njim.“

Utječem se Allahu Uzvišenom od očajavanja i žaljenja, udaranja po prsima, licu, obrazima, oblačenju crnine, cijepanju odjeće, ili poziva i dova iz džahilijeta, jer Ibn Mes'ud, radijallahu anhu, prenosi da je Allahov Poslanik, sallallahu alejhi ve sellem, rekao: „Nije od nas onaj ko se udara po licu, cijepa odjeću sa sebe, ili upućuje dove iz paganstva.“ (Hadis bilježe imami Buhari i Muslim).

Oporučujem da poslije moje smrti kod mene ne ulazi pakosnik, niti da me poslije smrti dodiruje ili ljubi onaj kome to nije bilo dozvoljeno tokom moga života, niti da se čuje plač i naricanje u mojoj kući, a ja se Allahu od toga utječem.

Oporučujem da žene ne ulaze u kuću bez potrebe, a Allahu se utječem da se pored moga tabuta prinese kakava žrtva (Kurban), jer Ebu Davud od Enesa, radijallahu anhu, prenosi da je Allahov Poslanik, sallallahu alejhi ve sellem, rekao: „Nema prinošenja žrtve prilikom smrti.“ (Hadis).

Obaveza je onima koji budu sjedili pored mene da spominju Allaha i da mole Allaha za mene i za moje ahiretsko dobro, jer Meleki, radilo se o dovi ili plaču, govore „Amin!“.

Oporučujem da me okupa i dženzu mi klanja (.....) (.....) na lijep i dostojanstven način (a ako ne on, onda samo onaj ko može izvršiti ovaj Vasijjet u potpunosti), te da opremanje i Dženaza budu uz savjet sa povjerljivom i dobrom osobom koja je učenjak i poznaje Šerijatsko pravo. Jer, ako na meni bude vidio znak lijepog završetka ovog dunjaluka, onda će ga i drugima reći, a ako na mome licu bude vidio znak lošeg završetka na ovom dunjaluka, onda će ga sakriti i neće ga širiti.

Oporučujem da ne bude mnogo onih koji me kupaju i oblače, osim onoliko koliko je nužno.

Obaveza je onome ko me bude kupao da počne kupanje sa riječima: „Sa Allahovim imenom, uz Allahovu pomoć i prema vjeri Allahovog Poslanika, sallallahu alejhi ve sellem.“ (Hadis bilježi imam Et-Tirmizi).

Oporučujem da prilikom kupanja budem okrenut prema Kibli i da na mome tijelu bude pokrivač od pupka do ispod koljena. Kada onaj koji me kupa dođe do moga stidnog mjesta, neka uzme krpu kako ne bi dotakao moje stidna mjesto, jer je doticanje tuđeg stidnog mjesta zabranjeno (Haram).

Trebam biti umotan u kefine koji su lijepi, čisti i prekrivaju čitavo tijelo. Kefini trebaju biti od bijelog platna iz tri

djela (kod žene pet), bez pravljenja košulje ili turbana. Potrebno je moje kefine namirisati vodom ruže, mošusom i kafurom (po mogućnosti).

Ako budem preselio na Hadžu kao Muhrim (osoba koja je u Ihramima), onda nemojte pokrivati moju glavu i lice, niti me umotavati u kefine.

Zabranjeno me je umotati u kefine od svile, skupocjenu odjeću, a nema smetnje da jedan od tri kefina bude nešto od moje bijele odjeće.

Oporučujem da se ne podiže glas učenjem zikra, ili učenjem Kur'ana, jer Allah Uzvišeni voli šutnju prilikom tri stvari: Učenja Kur'ana, stupanja u boj i ispraćaja Dženaze.

Oporučujem da moja Dženaza ne bude popraćena kandilima, niti vatrom.

Dužnost vam je požuriti sa mojom Dženazom, ali umjereno, tako da me nećete treskati, niti će oni koji me nose ili ispraćaju osjetiti tegobu.

Zatim, oporučujem da bude što više onih koji će klanjati Dženazu i da iskreno upućuju dovu za mene, jer Allahov Poslanik, sallallahu alejhi ve sellem kaže: „Kada klanjate Dženazu za mrtvoga, onda iskreno za njega donesite dovu.“ (Hadis prenose imami Ebu Davud i Ibn Madže).

Zatim, nemojte namjerno oduljivati sa mojom Dženazom, kako bi se čekao odsutni.

Oporučujem vam da me ukopate u području u kome sam i umro (.....)

i nemojte me prenositi osim u nuždi.

Obaveza vam je da iskopate kabur koji je dovoljno dubok kako bi se unutar napravio 'lahd' (udubljenje) i da me unesete u moj kabur tako što ćete prvo krenuti od glave, sa strane gdje stoje noge. Kada tako postupite, onda to udubljenje zazidajte ćerpićom, a ne stavljajte drvene naslone, jer su učenjaci islama rekli da je pokuđeno stavljati drvo u kabur, jer je ono simbol vatre, neka nas Allah od nje sačuva.

Ne dozvoljavam da se uči Kur'an na mom kaburu, niti da se uči „ridaen lillahil-el-Fatiha“, tokom mog nošenja ili spuštanja, jer za to nema šerijatskog utemeljenja.

Oporučujem da moje spuštanje u kabur obave:

1.!
2.!

Neka me okrenu prema Kibli i neka me okrenu na desni bok, a zatim neka kažu: „Bismillahi ve fi sebilillahi ve ala milleti resulillahi.“ (Hadis bilježi Ibn Madže).

Moj kabur, svako od vas, neka zaspe zemljom najmanje sa tri šake, jer Ebu Hurejre, radijallahu anhu, prenosi da je Allahov Poslanik, sallallahu alejhi ve sellem, klanjao Dženazu, a zatim prišao Kaburu umrlog i onda (sa strane na kojoj je glava mejjita) posuo zemljom tri puta.

Nemojte ostavljati tabut u mome kaburu, već ga izbacite, zatim završite ukop.

Potom, vodom poprskajte po mome kaburu kako bi se zemlja slegla, a onda neka prisutni upute dovu Allahu

tražeći za mene oprosta i čvrstinu prilikom mog ispitivanja.

Zabranjujem pisanje i ukrašavanje po kaburu, stavljanje nišana (osim u visini pedlja), kao što je zabranjeno išta saditi od zelenila na njemu, jer za to nema dokaza u Šerijatu, niti je potrebno da se moj kabur podiže više od jednog pedlja, jer je to Poslanik, sallallahu alejhi ve sellem, zabranio.

Potom, neka oni koji su došli da isprate moju Dženazu ostanu kod moga kabura onoliko vremena koliko je dovoljno da se zakolje deva i podjeli njeno meso, kako bih se sa njima navikao i kako bih mogao dati odgovore melekima izaslanicima od moga Gospodara.

Nemojte za mene učiti dovu skupno, već svi pojedinačno, jer za skupno učenje dove na Kaburu nema dokaza.

Oporučujem vam da upućujete dovu i tražite oprosta za mene. Molite Allaha da me učvrsti i da mi se smiluje, jer Poslanik, sallallahu alejhi ve sellem, kaže: „Tražite oprosta za svoga brata i molite da bude čvrst, jer se sada ispituje.“ (Hadis bilježi imam Ebu Davud).

Dova bi trebala izgledati ovako tj. Dova prilikom Dženaze namaza:

"Allahumma-gfir lehu ve-rhamhu ve' afihi va'fu 'anhu ve ekrim nuzulehu ve vessi' mudhalehu vagsilhu bi-l-mai ve-s-seldži ve-l-berdi ve nekkihi mine-l-hataja kema nekkajt e-s-sevbe-l-ebjeda mine-d-denisi ve ebdilhu daren hajren min darihi ve ehlen hajren min ehlihi ve zevdžen hajren

min zevdžihi ve edhilhu-l-džennete ve e'izhu min 'azabi-l-kabri (ve azabi-n-nari)"

- Allahu, oprosti mu i smiluj se, grijehe mu pobriši i sačuvaj ga, počasnim ga mjestom blagodari i širokim učini ulazak u kabur, očisti ga vodom, snijegom i hladnim zrakom, očisti ga od grijeha kao što bijelu odjeću čistiš od prljavštine! Udjeli mu kuću (ahiretsku) bolju od njegove dunjalučke i drugu bolju od njegove dunjalučke! U Džennet ga uvedi i zaštiti ga kazne zagrobne (i od vatre džehenemske)!

"Allahumma-gfir li hajjina ve mejjitina ve šahidina ve gaibina ve sagirina ve kebirina ve zekerina ve unsana. Allahumme men ahjejtehu minna fe ahjihi' ale-l-islami ve men teveffejtehu minna fe teveffehu 'ale-l- imani. Allahumme la tahrimna edžrehu ve la tudilluna ba' dehu"

- Allahu, oprosti našim živima i našim mrtvima, našim prisutnim i našim odsutnim, našim mlađima i našim starima, muškim i ženskim! Allahu, onoga koga poživiš među nama, učini da živi u islamu, a onoga koga na ahiret preseliš, preseli ga u iman! Allahu, ne uskrati nas Tvojih nagrada njemu i ne skreni nas s pravoga puta poslije njega!

"Allahumme (navesti ime) fi zimetike ve habli dživarike, fe kihi min fitneti-l-kabri ve'azabi-n-nari! Ve Ente ehlu-l-vefa i ve-l-hakki, fa-gfir lehu verhamhu, inneke Ente-l-Gafuru-r-Rahimu"

- Allahu, dotični je u Tvojim zaštiti i u doseg Tvoje brzine
- zato, zaštiti ga od stradanja u kaburu i od džehenemske kazne! Ti si Posjedovatelj iskrenosti i Istine -
te zbog toga oprosti mu i smiluj mu Se, jer, doista, Ti si Oprostitelj Milosrdni.

"Allahumme 'abduke ve-bnu emetike ihtadže ila rahmetike ve Ente Ganijjun 'an 'azabihi, in kane muhsinen fe zid fi hasenatihi, ve in kane musien fe tedžavez' anhu"

- Allahu, rob Tvoj, sin robinje Tvoje potrebuje milost Tvoju, a Tebi ne treba kazna njegova. Ako bude dobro initelj, povećaj broj njegovih djela, a ako bude grijehnik, ne obaziri se na grijeh njegove!

Ovo zahtijevam poslije ukopa, a ko bude nešto drugo uradio od novotarija ili džahilijetksih običaja, a što nisam ja u oporuci spomenuo, njemu i pripada grijeh.

Oporučujem vam da poslije završetka ukopa odmah isplatite moj dug (ukoliko ga bude). Nemojte odlagati njegovu isplatu zbog njegove važnosti, jer Vjerovjesnik, sallallahu alejhi ve sellem, kaže: „Duša vjernika je vezana za njegov dug sve dok se ne izmiri.“ (Hadis bilježi imam Et-Tirmizi.)

Nemojte ljude pitati za halal, pa da oni u horu odgovore „halalimo“, jer za to nema osnove, već ih samo, ukoliko želite, riječima podstaknite da mi halale.

Oporučujem da se spriječe nakaradni običaji koa što je paljenje svjetla (svijeća), dovođenje onih koji će učiti Kur'an za vrijeme dana žalosti prvi dan smrti, nakon

sedam, četrdeset ili godinu dana, tj. ono što nazivaju „tevhidima“, te učenje Sale.

Oporučujem da se ne okupljate u mojoj kući poslije mog ukopa, da ne dolazite na žalost, da se ne pravi hrana radi dočekivanja drugih ili da se kome daje novac za učenje Kur'ana i zikra, jer je sve to neispravno i neutemljeno.

Ispravno izražavanje saučešća je tokom tri dana poslije smrti, ukoliko nema novotarija i zabranjenih stvari.

Potrebno je da se dovede kakav Islamski učenjak da prisutne poduči Allahovoj vjeri i da svoju porodicu podstakne na strpljenje i traženje nagrade kod Allaha Uzvišenog, zadržavajući se tako na riječima Allahovog Poslanika, sallallahu alejhi ve sellem, koji kaže: „Kada nekog od vas snađe kakava nedaća neka se prisjeti moje nedaće, jer je to jedna od najvećih nedaća.“ (Hadis bilježi imam Ed-Darimi).

Oporučujem da se moj imetak podjeli onako kako je Allah naredio u svojoj Knjizi (shodno propisima iz islamskog prava poznatog pod nazivom Faraid).

Nasljednici su dužni da se izjasne na Sudu onako kako to Islam propisuje, ali će se prvo posavjetovati sa učenim.

Ovo je ono što ostavljam i oporučujem iza sebe:

IMETAK:

DUGOVI:

ZAKLETVE:

SADAKA:

Nema Vasijijeta za nasljednika, jer prenosi se od Ebu Umame El-Bahilija, radijallahu anhu, da je rekao: „Čuo sam Allahovog Poslanika, sallallahu alejhi ve sellem, da kaže: 'Doista je Allah dao svakome njegovo pravo, pa nema oporuke nasljedniku.'“ (tj. pravom nasljedniku koji

inače dobija prema Allahovoj Knjizi ne treba oporuka, jer mu je već Kur'an sve zagarantovao.)

Dao sam sve ove tačke Vasijjeta (oporuke) na uvid učenim ljudima u Islamu.

Obavještavam vas i pozivam kao svjedoke da sam oprostio svakom čovjeku koji je o meni govorio ružno ili mi nanio neki vid nepravde, te nadam se da će i oni meni oprostiti ono što sam im ja nanio od bola, nepravde ili nečeg drugog.

Oporučujem svojoj porodici i djeci posljednju preporuku koju je izrekao Allahov Poslanik, sallallahu alejhi ve sellem, kao što prenosi Imam Ahmed od Alijja, radijallahu anhu: „Zadnje riječi Allahovog Poslanika, sallallahu alejhi ve sellem, su bile: „Čuvajte namaz! Čuvajte namaz! I Bojte se Allaha u pogledu onoga što posjedujete.“

Oporučujem svojoj porodici i djeci da budu strpljivi i da budu zadovoljni Allahovom odredbom, jer Uzvišeni kaže:

الَّذِينَ إِذَا أَصَابَتْهُمْ مُصِيبَةٌ قَالُوا إِنَّا لِلَّهِ وَإِنَّا إِلَيْهِ رَاجِعُونَ [٢: ١٥٦]

„One koji, kada ih kakva nevolja zadesi, samo kažu: "Mi smo Allahovi i Njemu ćemo se vratiti." (Prijevod značenja sura Al-Bekare, ajet broj 156).

Poslanik, sallallahu alejhi ve sellem, kako prenosi Ummu Seleme, naređuje: „Kada jednog od vas snađe nedaća neka kaže: Svi smo Allahovi i Njemu se vraćamo. Allahu, od tebe se nadam nagradi za moju nedaću, pa me nagradi za nju i podari mi bolje od nje.“ (Predaju bilježi imam Ebu Davud).

Oporučujem vama, a i njima, da ako se budete razilazili oko nečega da se vratite Allahovoj Knjizi i Sunnetu Njegovog Poslanika, sallallahu alejhi ve sellem.

Oporučujem svim onima koji ovo čuju da isto postupe, jer je ovo SUNNET čist od svake NOVOTARIJE.

Oporučujem onima koji ostaju iza mene da se boje Allaha, azze ve dželle, i da ih ne zavara ovodunjalučki život, te da mnogo Allaha mole da mi se smiluje. Molim Allaha da ih učvrsti i uputi.

Ko zapostavi izvršenje ove oporuke ili je izmijeni, ili se suprotstavi Šerijatu, prema onome što je ovdje spomenuto ili nije spomenuto, sam će snositi teret (grijehe).

Rekao je Allah, azze ve dželle:

فَمَنْ بَدَّلَهُ بَعْدَمَا سَمِعَهُ فَإِنَّمَا إِثْمُهُ عَلَى الَّذِينَ يُبَدِّلُونَهُ ۚ إِنَّ اللَّهَ سَمِيعٌ عَلِيمٌ [٢:١٨١]

"Onaj ko je izmijeni (oporuku), a zna kako glasi – pa grijeh za to pada na one koji je mijenjaju; – a Allah, zaista, sve čuje i zna." (Prijevod značenja sura Al-Beqara, ajet broj 181).

**OVO JE MOJA OPORUKA I ALLAHU SE UTJEČEM
OD SVAKOG GOVORA ILI DJELA KOJE JE
SUPROTNOM ČASNOM ŠERIJATU.**

I MOJA POSLJEDNA DOVA JE:

HVALA ALLAHU GOSPODARU SVIH SVJETOVA!

OPORUKU OSTAVLJA:

POTPIS:

DATUM I MJESTO:

SVJEDOCI:

1.

POTPIS:

2.

POTPIS:

NAPOMENA:

1. Tekst ove oporuke sadrži Kur'anske ajete i Vjerovjesničke hadise, te molim da se ovo odloži na dostojno mjesto.

2. Oporučilac se utječe Allahu, azze ve dželle od svake izmjene sadržaja ove oporuke, oduzimanja ili dodavanja, koji je u suprotnosti sa Allahovim Šerijatom, prema onome što je spomenuto ili ne.

Rekao je Allah, azze ve dželle:

فَمَنْ بَدَّلَهُ بَعْدَمَا سَمِعَهُ فَإِنَّمَا إِثْمُهُ عَلَى الَّذِينَ يُبَدِّلُونَهُ ۚ إِنَّ اللَّهَ سَمِيعٌ عَلِيمٌ [٢:١٨١]

"Onaj ko je izmijeni (oporuku), a zna kako glasi – pa grijeh za to pada na one koji je mijenjaju; – a Allah, zaista, sve čuje i zna." (Prijevod značenja sura Al-Beqara, ajet broj 181).

PRIPREMIO I OBRADIO:

SAFET SULJIĆ

ISLAMSKI UNIVERZITET U RIJADU

11.04.1432 H.G. 04.03.2012

POSJETITE:

www.et-taqwa.com

info@et-taqwa.com



Islamski Dawetski Web Portal

ET-TAQWA

Urednik: Safet Suljić

www.et-taqwa.com

Copyright © 2011 ET-TAQWA.COM
Sva prava pridržana.



Riyadh

2012